

Član 6.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-15875/19
25. jula 2019. godine
Sarajevo

Predsjedavajući
Općinskog vijeća
Dr. **Rusmir Baljić**, s. r.

Na osnovu članova 20. i 33. Statuta Općine Novi Grad Sarajevo ("Službene novine Kantona Sarajevo" broj 30/09 - Novi prečišćeni tekst, 2/17) i člana 25. stav 7. Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), Općinsko vijeće Novi Grad Sarajevo, na 26. sjednici održanoj 18.07.2019. godine, donijelo je

ODLUKU

**O IZMJENI ODLUKE O PROVOĐENJU
REGULACIONOG PLANA "BUČA POTOK II"**

Član 1.

Ovom Odlukom vrše se izmjena Odluke o provođenju Regulacionog plana "Buča Potok II" ("Službene novine Kantona Sarajevo", broj 48/13), u dalje tekstu: Plan.

Član 2.

Član 16. Odluke o provođenju Regulacionog plana "Buča Potok II" ("Službene novine Kantona Sarajevo", broj 48/13) briše se i glasi:

"Upravni postupak legalizacije objekata (urbanističke saglasnosti i odobrenja za građenje) koji se nalaze iznad zone snabdijevanja iz gradskog sistema snabdijevanja vodom (kota 655 m.n.m.), moguće je pod uslovom da je obezbijedeno alternativno snabdijevanje vodom putem lokalnih izvorišta ili drugih izvora, uz kontinuirano praćenje kvaliteta vode od strane Općine Novi Grad Sarajevo putem nadležnih institucija."

Član 3.

Ostali članovi Odluke o provođenju Regulacionog plana "Buča Potok II" ("Službene novine Kantona Sarajevo", broj 48/13) ostaju nepromijenjeni.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-15874/19
25. jula 2019. godine
Sarajevo

Predsjedavajući
Općinskog vijeća
Dr. **Rusmir Baljić**, s. r.

Na osnovu člana 25. stav (7) i člana 39. stav (3) Zakona o prostornom uređenju u Kantona Sarajevo ("Službene novine Kantona Sarajevo", broj 24/17 i 1/18) i članova 20. i 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst) i Općinsko vijeće Novi Grad Sarajevo, na 26. sjednici održanoj 18.07.2019. godine, donijelo je

ODLUKU

**O USVAJANJU IZMJENA I DOPUNA
REGULACIONOG PLANA "BUČA POTOK II"
- IZMJENA PROFILA NASELJSKIH
SAOBRAĆAJNICA - (SKRAĆENI POSTUPAK)**

Član 1.

Usvaja se Izmjena i dopuna Regulacionog plana "Buča Potok II" (u daljem tekstu: Plan) po skraćenom postupku.

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru Plana,
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata,
- Idejno rješenje saobraćaja,
- Idejno rješenje snabdijevanja vodom i odvodnja otpadnih i oborinskih voda,
- Idejno rješenje toplifikacije-gasifikacije,
- Idejno rješenje elektroenergetike i javne rasvjete,
- Idejno rješenje hortikulture,
- Idejno rješenje TK mreže.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Novi Grad Sarajevo i Zavodu za planiranje razvoja Kantona Sarajevo.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-15957/19
26. jula 2019. godine
Sarajevo

Predsjedavajući
Općinskog vijeća
Dr. **Rusmir Baljić**, s. r.

Na osnovu članova 20. i 33. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst, 2/17) i člana 25. stav (7) i člana 39. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17, 1/18), Općinsko vijeće Novi Grad Sarajevo, na 26. sjednici održanoj 18.07.2019. godine, donijelo je

ODLUKU

O PROVOĐENJU IZMJENA I DOPUNA REGULACIONOG PLANA "BUĆA POTOK II" - IZMJENA PROFILA NASELJSKIH SAOBRAČAJNICA - (SKRAĆENI POSTUPAK)

Član 1.

Ovom Odlukom se propisuje način provođenja Izmjena i dopuna Regulacionog plana "Buća Potok II" (u daljnjem tekstu: Plan) u granicama navedene prostorne cjeline, rekonstrukcija i izgradnja naseljskih saobraćajnica, odnos prema postojećim objektima i uslovi pod kojima se pojedine djelatnosti mogu obavljati u planiranom prostoru.

Član 2.

Granica obuhvata Plana polazi od tačke br. 1 koja ima koordinate $y = 6528772$, $x = 4856461$, a koja se nalazi na medi između parcela k.č. 2892 i 2890, zatim nastavlja u pravcu sjevera, te sjeveroistoka idući međama parcela k.č. 2890, 2861, 2867, 2869/1, 2610/1, 2609/2, 2609/4, 590/19, 590/4, 590/21, 590/14, i dolazi u tromedu parcela k.č. 590/1, 589/1 i 590/14, zatim nastavlja u istom pravcu sijekući u pravoj liniji parcele k.č. 589/19, 589/1, i dolazi u tromedu parcela k.č. 580/2, 589/14 i 589/19, granica produžava u pravcu sjevera idući međama parcela k.č. 588, 587/16, 587/3, 580/2 (ne obuhvata ih) i dolazi u tromedu parcela k.č. 588, 589/15 i 517/1, zatim nastavlja u istom pravcu idući granicom između katastarskih općina K.O. Dolac i K.O. Novo Sarajevo IV i dolazi u tačku br. 2 koja ima koordinate $y = 6528821$, $x = 4857400$, a koja se nalazi na granici između katastarskih općina K.O. Dolac i KO. Novo Sarajevo IV, potom ide u pravcu istoka, te se lomi u pravcu sjevera sijekući put k.č. 714/1, nastavlja u istom pravcu idući međom parcele k.č. 489/8 (ne obuhvata je) i dolazi u tromedu parcela k.č. 489/7, 489/8, 716/1, granica zatim produžava u pravcu jugoistoka sijekući u pravoj liniji parcelu k.č. 435/2 i dolazi u tačku br. 3 koja se nalazi na zajedničkoj medi parcela k.č. 435/2 i 487/1, a ima koordinate $y = 6528958$, $x = 4857355$, potom ide u pravcu istoka idući međama parcela k.č. 487/1, 486 i izlazi na put k.č. 715 (ne obuhvata ga) i dolazi u tačku br. 4 koja se nalazi na zajedničkoj medi parcela k.č. 715 i 484, a ima koordinate $y = 6529096$, $x = 485726$, zatim produžava na istok idući međama parcela k.č. 474/7, 475/1, 475/3, te presijeca put k.č. 714 i nastavlja u pravcu sjevera idući međama parcela k.č. 610/2, 610/1 (ne obuhvata ih) i izlazi na put k.č. 609/2 kojim ide u pravcu jugoistoka (ne obuhvata ga), granica potom ide u pravcu istoka idući međama parcela k.č. 699/4, 695/2, 695/3 (ne obuhvata ih) i dolazi u tromedu parcela k.č. 3187, 692 i 717, potom skreće na istok sijekući u pravoj liniji parcele k.č. 717 i 3194 i dolazi u tačku br. 5 koja ima koordinate $y = 6529379$, $x = 4857251$, a koja se nalazi na parceli k.č. 3194, potom nastavlja na istok sijekući u pravoj liniji parcele k.č. 3194, 3190, 3203/6, 4230/5, 4845, 2705/1 i dolazi u tromedu parcela k.č. 2524, 2545/13, 2503/2, potom nastavlja u pravcu istoka, te juga idući međama parcela k.č. 2524, 2528/1, 2530/2, 2531/2, 2533/3, 2535/3, 2545/4, 2537/2, 2539/2, 2541/3, 2543/2, 2543/3, 2543/4, 2543/5, 2543/6 2549/4, 2548 2609/11 (obuhvata ih) i dolazi u tromedu parcela k.č. 2609/11, 2609/1 i 2603/1, potom produžava na jug sijekući u pravoj liniji parcele k.č. 2609/1, 2608 i dolazi na jugozapadni rub parcele k.č. 2608, lomi se na zapad sijekući u pravoj liniji parcelu k.č. 2609/1 i dolazi u tromedu parcela k.č. 2609/1, 2605/2 i 2604/2, zatim nastavlja u pravcu juga idući međama parcela k.č. 2605/2, 2605/3, 2605/4, 2554/4 i dolazi u tromedu parcela k.č. 2554/3

2544/2 i 26091. Granica obuhvata nastavlja u istom pravcu idući međama parcela k.č. 2554, 2607/2, 2607/1, 2559, 2591/1, 2590, 2589 (obuhvata ih) potom idući u istom pravcu sijече parcelu k.č. 2594, te nastavlja međama parcela k.č. 2582/2, 2582/1, 2578 (obuhvata ih) i dolazi u tromedu parcela k.č. 2578, 2593/1, 4327/1, zatim produžava na jugozapad sijekući u pravoj liniji parcele k.č. 4327/1, 2574, 2571 i dolazi u tačku br. 6 koja ima koordinate $y = 6529965$, $x = 4856785$, zatim nastavlja u istom pravcu idući planiranom saobraćajnicom i dolazi do mjesta odakle je opis granice i počeo.

Sve gore navedene parcele se nalaze u KO. Novo Sarajevo IV i KO. Dolac, Općina Novi Grad.

Granica obuhvata rađena je na katastarskim podlogama razmjere $R=1:1000$.

Površina obuhvata iznosi $P=84$ ha.

Član 3.

Izmjene i dopune Regulacionog plana "Buća Potok II" se odnose na izmjenu profila saobraćajnica unutar obuhvat cijelog Plana i to: G (od G5 do G7), H (od H2 do 6), H1-7, I1-5, 13-41-43, G 2-3, M, M1, D, D1, B4 i E.

Rekonstrukcija, izgradnja saobraćajnica i drugi zahvati u prostoru vršit će se u skladu sa ovim Izmjenama i dopunama Plana, te uvjeta utvrđenih istim.

Član 4.

Odnos prema postojećim objektima, rekonstrukcija i izgradnja saobraćajnica vršit će se u skladu sa sljedećim Urbanističko-tehničkim uvjetima:

- za postojeće objekte koji se nalaze na trasama saobraćajnica, a koje su predmet Izmjena i dopuna, čijom su se promjenom planiranih poprečnih profila, stekli uslovi za njihovo zadržavanje, primjenjivat će se Odluka o provođenju Regulacionog plana "Buća Potok II" ("Službene novine Kantona Sarajevo", broj 48/13, 50/14, 13/17);
- za objekte unutar zaštitnog pojasa planirane trase Gradske brze ceste i VI transverzale potrebno je pribavljati prethodnu saglasnost upravitelja ceste;
- izradnja i rekonstrukcija saobraćajnica vršit će se u skladu sa fazom "Saobraćaj" (tekstualnim i grafičkim dijelom) koja je sastavni dio Plana.

Član 5.

Izmjena i dopuna Regulacionog plana "Buća Potok II" - Izmjena profila naseljskih saobraćajnica (Skraćeni postupak), ne utiče znatno na promjenu faze komunalne infrastrukture (Idejno rješenje hortikulture, Idejno rješenje snabdijevanja vodom i odvodnja otpadnih i oborinskih voda, Idejno rješenje toplifikacije i gasifikacije, Idejno rješenje elektroenergetike i javne rasvjete, Idejno rješenje tk mreže). Navedene faze su usaglašene sa izmjenama profila naseljskih saobraćajnica i sastavni su dio ovog Plana.

Član 6.

Plan se sastoji iz tekstualnog dijela i grafičkih priloga. Tekstualni dio i grafički prilozi Plana su sastavni dio Izmjena Regulacionog plana "Buća Potok II" ("Službene novine Kantona Sarajevo", broj 48/13, 50/14 i 13/17).

Član 7.

Po jedan primjerak ovjerenog Plana nalazi se na stalnom javnom uvidu i čuva se u Općini Novi Grad Sarajevo i Zavodu za planiranje razvoja Kantona Sarajevo.

Član 8.

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-02-16032/19
30. jula 2019. godine
Sarajevo

Predsjedavajući
Općinskog vijeća
Dr. Rusmir Baljić, s. r.